

终为洋票所蚀，不如改正子并交而停厘。晚恐与厘必不相敌，不如改为什一之税。赫德来金陵，以此语告之。渠云商之各国，似当应允。轻率之见，未知有误大局否？谨将卓儒说帖及总署两次函稿录呈，伏冀曲加海示，是所至禱。尊函已封呈筱帅矣。苏、皖飞蝗遍野，近已渡江而南。疆吏不职，民受荼毒。补救无策，奈何！奈何！祇叩钧祺，不尽欲言。

①七月初旬，沈葆楨致李信称：“六月十九肃玆寸笺，计邀垂览。”即为此信。

②卓儒：冯煊光，字竹儒，又称卓儒。

复丁日昌 光绪二年六月下旬^①

奉本月初九日手教，海注交摯，感何可言。发饷时船多，至用船时船少，诚哉是言。许以登瀛洲见贻，不啻百朋之锡。但愿完固，不敢刻期。渔户抢船，固是积习。而根原由于破案时，地方官勒富户偿之，故肆无忌惮。执成分段责成，禁之于未雨之先，官民均受其益矣。王副将闻已蒙委缺。士逢知己，如鸿毛之遇顺风。正当使各尽其用，不必更令回沪。唐景星过金陵，来见两次，是本兼顾招商局者，遇在沪时，有事尽可奉托也。海州旱蝗相继，幅匪萌动。海岩刺史正在捕蝗缉盗，勤瘁则有之，人固无恙，请释苕厘。台之精华在北，南路有观察在，北路必独当一面。似台北府之任重于台湾府，敢以质高明。九龙山事，决其伪而不发行，极佩定识定力。皖中割辫案，层见叠出。犯者多湖北人，而建平遂有客民戕杀教民、毁堂之事。出洋必不可缓，其费自当于海防中筹之，合肥想不见拒。丹崖百日满，仍可照常任事，故日监督来金陵，弟仍催其赴津，亦知尊意急欲成此举也。伯相奉命赴烟台，闻威使于十六日自沪北行，未知果否？伯相有全权字样，愈好看，愈为难矣。敬叩台安，教谦谨璧。

①信称：“伯相奉命赴烟台。”李鸿章动身赴烟台在六月十八日，此函当复于下旬。

复吴元炳 光绪二年七月上旬^①

奉前月十六日教言，备纫爱注。威酋赴烟台，而伯相为津民攀留，弗克如约，又多费唇舌矣。梅辉立来此言三事：一镇江之太古趸船，一铁车路，一租界厘金。据理谢